

Na osnovu člana 83. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11 i 4/21) Općinsko vijeće na XV redovnoj sjednici održanoj 21.03.2023. donosi:

### **N A R E D B U**

kojom se proglašavaju ništavnim sljedeći akti objavljeni u Službenom glasniku Općine Velika Kladuša, broj 1/23:

1. Zaključak o nepotvrđivanju Zaključaka Općinskog vijeća Općine Velika Kladuša o neusvajanju prijedloga Programa zajedničke komunalne potrošnje Općine Velika Kladuša za 2023. godinu, broj: 01-04-321/22 od 20.12.2022. godine
2. Zaključak o nepotvrđivanju Zaključaka Općinskog vijeća Općine Velika Kladuša o neusvajanju prijedloga Odluke o ovlaštenju organizacije za davanje stručne ocjene u postupku izdavanja urbanističke saglasnosti broj: 01-04-319/22 od 20.12.2022. godine.
3. Zaključak o nepotvrđivanju Zaključaka Općinskog vijeća Općine Velika Kladuša o neusvajanju Prijedloga Odluke o privremenom finansiranju Općine Velika Kladuša za 2023. godinu broj: 01-04-5/23 od 12.01.2023. godine.
4. Zaključak o nepotvrđivanju Zaključaka Općinskog vijeća Općine Velika Kladuša o neusvajanju Nacrta Budžeta Općine Velika Kladuša za 2023. godinu, broj: 01-04-318/22 od 20.12.2022. godine.
5. Zaključak o nepotvrđivanju Odluke o izboru Komisije za izbor i imenovanje, broj: 01-04-19/23 od 30.01.2023. godine.
6. Zaključak o nepotvrđivanju Odluke o izboru Predsjedavajućeg Općinskog vijeća Općine Velika Kladuša, broj: 01-04-20/23 od 30.01.2023. godine.

### **OBRAZLOŽENJE**

Gore pobrojane akte, objavljene u „Službenom glasniku Općine Velika Kladuša“, broj 1/23, Općinsko vijeće nije razmatralo. Kako je za razmatranje i usvajanje ovih akata nadležno isključivo Općinsko vijeće, za čije odlučivanje je potrebno da se ispune uslovi propisani članom 64. i 65. Poslovnika Općinskog vijeća, njihovo objavljivanje u Službenom glasniku predstavlja grubo kršenje Poslovnika i Statuta Općinskog vijeća, kao i Zakona o principima lokalne samouprave u FBiH. Stoga Općinsko vijeće Općine Velika Kladuša donosi naredbu kojom ove akte proglašava ništavnim.